

Mœnibus impositum constructis robur in unum
Protinus ascendit lente dum ponitur alter,
Dum pugnant Mauri, tantisque laboribus adfunt
Alphæi properant, procedit Grunius ante,
Oppositumque sibi violentum proterit hostem,
Juxta quem reliqui mox progrediuntur in arcem.
Maurorum quidam statim descendere scalas
Incipiunt, multi sese præferre periclis
Mortis non dubitant, ne confodiantur inulti,
Sed velut accipitres celeri properare volatu
Pennarum levitate solent, ubi plurimus anser
Aère suspensus fluvialia deserit arva,
Et profecta velut promptos laniata per ungues,
Cum plumis distracta jacent, sic cernere posses
Pisanos properare, & barbara membra jacere.
Inde Pyreneæ regionis rector in arcem
Ascendens latus superatos increpat hostes.
Plures ense cadunt, multi cecidere fenebris,
Hic certat jugulare mares, trahit ille pueras,

A Et facta præda muri sternuntur, & ædes,
Hinc ignis casas, & lignea tecta perurit,
Depopulans agros terræ loca circuit hospes.
Inde viri veniunt, cum natis denique matres,
Inde boves, pecudumque greges, & multa fu-
pelle.

B Paſcha celebratur, Batales de nexibus exit,
Cujus dat nato Pisana potentia Regnum.
Denique viatores, felici classe parata,
Ad sua quique meant, hos & de litora spectant,
Et miranda canunt Christi magnalia gentes.
Pisanam tandem Burabe traductus in urbem,
Præbuit Italæ sese spectabile monſtrum.

*Laurentii Veronensis liber de bello
Majoricano explicit.*

Tunc fuit à Christo tecto velamine carnis
Centenus quintus decimus millesimus annus.